



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Број: 04-1-11-4-10152-10

Дана: 07.05.2024. године

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19, 31/19 i 39/20), člana 100. stav (3) Zakona o javnim nabavkama („Službeni glasnik Bosne i Hercegovine”, broj 39/14 i 59/22) i preporuke Komisije za javne nabavke Ministarstva unutrašnjih poslova Kantona Sarajevo za 2024. godinu, imenovane Rješenjem broj broj 05-01-30-1-2317 od 18.01.2024. godine i Rješenjem broj 05-1-30-1-2317-2 od 13.02.2024. godine, u postupku javne nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo, ministar unutrašnjih poslova Kantona Sarajevo, d o n o s i

O D L U K U

o poništenju postupka nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo

I

Poništava se otvoreni postupak javne nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo, pokrenut na osnovu Odluke broj 04-1-11-4-10152/24 od 07.03.2024. godine i Obavještenja o nabavci broj 1364-1-3-50-3-40/24 od 08.03.2024. godine.

II

Prihvata se preporuka Komisije za javne nabavke da se u skladu sa članom 69. stav (2), tačka d) Zakona o javnim nabavkama („Službeni glasnik BiH“ broj 39/14 i 59/22), postupak nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo poništi.

III

Ugovorni organ će o ovoj Odluci obavjestiti sve učesnike u postupku na način i u roku određenim Zakonom o javnim nabavkama.

IV

Usvajaju se troškovi žalbenog postupka za sastav Žalbe po advokatskom punomoćniku ponuđača „Harysco“ d.o.o. Sarajevo, advokatska kancelarija „Pešto“ Sarajevo, advokat Sanin Pešto, u iznosu od 240,00 KM uvećan za PDV-a.

V

Ova odluka stupa na snagu danom donošenja.



O b r a z l o ž e n j e

Na osnovu Odluke o pokretanju postupka nabavke broj 04-1-11-4-10152/24 od 07.03.2024. godine i Obavještenja o nabavci broj 1364-1-3-50-3-40/24 od 08.03.2024. godine, na portalu Agencije za javne nabavke objavljen je postupak nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo, putem otvorenog postupka.

U skladu sa članom 70. Zakona o javnim nabavkama, nakon otvaranja i evaluacije ponuda, Komisija je jednoglasno dala preporuku ministru unutrašnjih poslova Kantona Sarajevo da u postupku nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo, donese Odluku o dodjeli ugovora ponuđaču Bosman d.o.o. Sarajevo u iznosu od 275.000,00 KM bez PDV-a.

Na predmetnu Odluku o izboru ponuđača broj 04-1-11-4-10152-3 od 17.04.2024. godine, izjavljene su žalbe od strane ponuđača „Harysco“ d.o.o. Sarajevo, Bihacka 1, Sarajevo od 29.04.2024. godine, izjavljena od strane advokata Sanin Pešto iz Sarajeva i ponuđača „Bosman“ d.o.o. Sarajevo, Rakovička cesta broj 18, od 29.04.2024. godine, kojeg zastupa direktor Jahić Osman. Kod ovog ugovornog organa obje žalbe su zaprimljene na dan 30.04.2024. godine.

Nakon što je Ugovorni organ utvrdio da su žalbe blagovremene, dopuštene i izjavljene od strane ovlaštenih lica i lica koja imaju aktivnu legitimaciju, ugovorni organ je razmatrajući žalbene navode utvrdio da su ispunjeni uslovi za poništenje postupka javne nabavke u skladu sa članom 69. stav (2) tačka d) Zakona o javnim nabavkama iz sljedećih razloga:

Usvojen je žalbeni navod ponuđača „Harysco“ d.o.o. Sarajevo da je ponuda ponuđača „Bosman“ d.o.o. Sarajevo neprihvatljiva iz razloga što ponuđač nije dokazao uslov tražen u TD u tački 10.3, minimalno izvršen jedan ili više ugovora u prethodnih pet godina, pojedinačno ili kumulativno (2019., 2020., 2021., 2022., 2023. godina) čiji karakter odgovara predmetu nabavke, u minimalnom ukupnom iznosu od 200.000,00 KM bez PDV-a, jer se predmetna nabavka odnosi na rušenje i uklanjanje objekta, a u dostavljenoj potvrdi, koju je izdao „Benis“ d.o.o., Sarajevo Ilidža, je naveden samo predmet nabavke koji se odnosi na rušenje.

Nadalje, ponuđač „Bosman“ d.o.o. Sarajevo je dostavio i potvrdu o uredno izvršenim radovima, izdatu od strane općine Centar, čija ukupna vrijednost izvršenih radova po ugovoru, iznosi 136.838,64 KM bez PDV-a što ne odgovara iznosu traženom TD u tački 10.3. Predmetna potvrda također ne sadrži ni mjesto izvršenja radova.

Usvojen je žalbeni navod ponuđača „Harysco“ d.o.o. Sarajevo da je ponuda ponuđača „Mevludin commerc“ d.o.o. Sarajevo, konzorcij sa ponuđačem Radis d.o.o. Istočno Sarajevo, neprihvatljiva iz razloga što ponuđač nije dokazao uslov tražen u TD u tački 10.3, odnosno dostavio je potvrdu koju je izdalo treće pravno lice, Leitner SpA-Ag Italy, a ne pravno lice za koje su izvršeni radovi, Olimpijski centar Jahorina.

Usvojen je žalbeni navod ponuđača „Bosman“ d.o.o. Sarajevo da je ponuda ponuđača „Harysco“ d.o.o. Sarajevo, neprihvatljiva iz razloga što ponuđač nije dokazao uslov tražen u TD u tački 10.3, „da posjeduje u vlasništvu mašine i kamione ili da posjeduje ugovor o lizingu ili najmu istih i to: hidraulični bager, gusjeničar s priključcima i dugom rukom, hidraulični čekić, sjekač za beton, kliješta itd.“ Kao dokaz tražena je saobraćajna dozvola (dokument o registraciji), dokaz o vlasništvu mašina ili dokaz o lizingu ili najmu istih, a ponuđač je dostavio samo upotrebnu dozvolu za rovokopač gusjeničar.

Usvojen je žalbeni navod ponuđača „Bosman“ d.o.o. Sarajevo da je ponuda ponuđača „Mevludin commerc“ d.o.o. Sarajevo, konzorcij sa ponuđačem Radis d.o.o. Istočno Sarajevo, neprihvatljiva iz razloga što ponuđač nije dokazao uslov tražen u TD u tački 10.3, „da posjeduje u vlasništvu mašine i kamione ili da posjeduje ugovor o lizingu ili najmu istih i to: hidraulični bager, gusjeničar s priključcima i dugom rukom, hidraulični čekić, sjekač za beton, kliješta itd“.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

Kao dokaz tražena je saobraćajna dozvola (dokument o registraciji), dokaz o vlasništvu mašina ili dokaz o lizingu ili najmu istih, a ponuđač je dostavio dokument o registraciji za teretno motorno vozilo N3 kojem je istekla registracija 25.07.2023. godine.

Usvojen je žalbeni navod ponuđača „Bosman“ d.o.o. Sarajevo da je ponuda ponuđača „Mevludin commerc“ d.o.o. Sarajevo, konzorcij sa ponuđačem Radis d.o.o. Istočno Sarajevo, neprihvatljiva iz razloga što ponuđač nije dokazao uslov tražen u TD u tački 10.3, odnosno dostavio je potvrdu koju je izdalo treće pravno lice, Leitner SpA-Ag Italy, a ne pravno lice za koje su izvršeni radovi, Olimpijski centar Jahorina.

Shodno utvrđenom činjeničnom stanju, a u skladu sa članom 69. stav (2), tačka d) Zakona o javnim nabavkama, Komisija jednoglasno daje preporuku ministru unutrašnjih poslova Kantona Sarajevo da postupak nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo, poništi.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od deset dana od dana prijema Odluke o poništenju postupka, a u skladu sa članom 100. stav (4) Zakona o javnim nabavkama.



Dostaviti:

1. Ponuđačima x3,
2. Komisiji,
3. Upravi podrške,
4. Kabinet ministra, stručni savjetnik za odnose s javnošću i
5. a/a.